

Pablo Colosacjārārē ojāca pūrī ni'i

A'ti pūrī a'tiro weero ojano'pā nise ni'i

Pablo Colosa, Frigia di'tapɥ nirī macācjārārē ojacɥ niwī. Cũ ne ni'cāti na tiropɥre wa'aticɥ niwī. Cũ me'rācjārā Jesucristo ye quetire were, cūrē ějōpeori curuacjārā sājācā weecārā niwā. Ti curua Colosacjārārē Epafras Jesucristo ye quetire bu'e, narē sɥ'ori nisetiɥ niwī.

A'ti pūrīrē Pablo bu'iri da'reri wi'ipɥ nígũ, ojacɥ niwī.

A'tere ojacɥ niwī. Na añurō weesere tɥ'ogɥ, Ō'acūrē e'catise o'osere ojacɥ niwī. Tojo nicā mejēcā bu'eri masārē tɥ'omasīña nisere ojacɥ niwī. Apeyere, Jesucristo yere mɥsā tɥ'o'caronojōta queoro weeya nisere ojacɥ niwī.

Pablo Colosacjārā Jesucristore ějōpeorārē oja'que ni'i

¹ Yɥ'u marī acaweregɥ Timoteo me'rā mɥsārē añuduti'i. Ō'acũ ɥa'caronojōta yɥ'ure Jesucristo cũ ye quetire weredutigɥ cūwī.

² Mɥsā Colosacjārā Jesucristo yarā cūrē ějōpeonu'cūrārē oja'a. Mɥsārē Ō'acũ marī pacɥ añurō weeato. Ejerisājācā weeato.

Pablo Colosacjārārē Ō'acūrē sērībosa'que ni'i

³ Ō'acũ marī wiogɥ Jesucristo pacure mɥsārē sērībosasetirinɥcũ e'catise o'o'o. ⁴⁻⁵ Mɥsā ye

quetire tɔ'owɛ. A'tiro ni'i. Mɔsɔ Jesucristo masɔrɛ yɛ'rɔomi nise diacjũ cjasere tɔ'ocɔrɔ niwũ. Tere tɔ'orɔ, mɔsɔrɛ Ō'acũ ɛ'mɔsepɛ weeatjere e'catiyutojacɔrɔ niwũ. Tojo weerɔ Jesucristore aɔurɔ ɛjɔpeocɔrɔ niwũ. Mɔsɔ basu Ō'acũ yarɔ nipe'tirɔrɛ aɔurɔ ma'iseticɔrɔ niwũ. Ɔsɔ tere tɔ'o'cɔrɔ nitjɔrɔ, Ō'acũrɛ e'catise o'o'o.

⁶ Ɔpɛrɔ quɛ'rɔ tojota te quetire tɔ'orɔ, mɔsɔ weronjɔta weerɔ weema. Nipe'tiropɛ wereturiawɔcɔrɔ weema. Mɔsɔ Ō'acũ masɔrɛ ma'isere tɔ'orɔ, “Diacjũta ni'i”, nicɔrɔ niwũ. ⁷ Ɔsɔ ɛputɛ ma'igũ Epafras mɔsɔrɛ te quetire werɛɛ niwĩ. Cũ Ɔsɔrɛ da'ratamugũ nimi. Ō'acũ bese'cɛ Cristo ye cjasere mɔsɔrɛ werɛɛ nimi. ⁸ Cũta mɔsɔ ye quetire miiejawĩ. Mɔsɔ Jesucristore ɛjɔpeotjɔrɔ aɔurɔ ma'isetisere werewĩ.

⁹ Tojo weerɔ Epafras mɔsɔ ye quetire wɛrɛca nɔmɔta maata Ɔsɔ Ō'acũrɛ sɛrɔbosanɛ'cɔwũ. A'tiro nicɔ quɛ'rɔrɛ mɔsɔrɛ tojo sɛrɔbosanɛ'cũcɔ'a. A'tiro sɛrɔbosa'a: “Ō'acũ, Espiritu Santu tɔ'omasɔse o'oato narɛ. Cũ tojo o'ocɔ, na mɔ'ɛ duti'quere aɔurɔ tɔ'omasɔrɔsama. ¹⁰ Mɔ'ɛ yarɔ weronjɔta weesetirɔsama”, ni sɛrɔbosa'a. Ō'acũ mɔsɔ tojo weecɔ i'agũ, e'catigusami. Mɔsɔ cũ ɛa'caronjɔta aɔurɔ weerɔsa'a. Cũrɛ masɔnemorɔsa'a. ¹¹ Cũ tutuayɛ'rɔagɛ cũ tutuasere mɔsɔrɛ o'ogɛsami. Tojo weecɔ, mɔsɔ e'catise me'rɔ nipe'tise mejɛcɔ wa'asere wɔcũtutuarɔsa'a. ¹² Mɔsɔ Ō'acũrɛ e'catise o'orɔsa'a. Cũ mɔsɔ ɔa'arɔ wee'quere duporopɛ acobojo, dɛcayutojacɛ niwĩ. Tojo weerɔ mɔsɔ

cũ tiropu ãpẽrã cũ yarã, cãrẽ ãjõpeorã me'rã nirãsa'a. ¹³⁻¹⁴ Marĩ pacu Õ'acũ marĩrẽ, wãtĩ dutino'cãrãrẽ yu'rucũ niwĩ. Õ'acũ macũ wẽrĩse me'rã na'itĩ'arõpu weronojõ ní'cãrãrẽ yu'rucũ niwĩ. Marĩ ña'ase wee'quere acobojocu niwĩ. Tojo weegu marĩrẽ cũ macũ uputu maigũrẽ o'ócũ niwĩ. Marĩ wiogu niato nígũ tojo weecu niwĩ.

Õ'acũ Jesucristo wẽrĩse me'rã masãrẽ yu'rucõ'que ni'i

¹⁵ Õ'acũrẽ ã'ano'ña marĩ'i. Cũ macũ a'ti nucũcãpu a'tigu, cũ nisetisere masãrẽ bajuy-oropu ã'ocũ niwĩ. Jesucristo nipe'tise duporo nitojacu niwĩ. ¹⁶ Õ'acũ cũ macũ me'rã nipe'tisere u'muse, a'ti di'ta bajurã, bajutirãrẽ weecu niwĩ. Apeye quẽ'rãrẽ bajuse, bajutisere weecu niwĩ. Tojo nicã wiorãrẽ u'musepu nirã, a'ti nucũcãpu nirã, nipe'tirãrẽ weecu niwĩ. Tere wéégũ, “Yu'u macũ ye nirõsa'a”, nicu niwĩ. ¹⁷ Cũ macũ ne waroputa nipe'tise cũ bajurẽse duporo nitojacu niwĩ. Cũ me'rãta cũ bajurẽ'que ninu'cũcã'a. Queoro ducayuro marĩrõ ninu'cũ'u. ¹⁸ Jesucristo marĩ dupoã cãrẽ ãjõpeorã wiogu nimi. Cũta marĩ cãrẽ ãjõpeorãrẽ catise o'ogu nimi. Marĩ nipe'tirã Jesucristore ãjõpeorã ni'cã curua, ni'cã upu ni'i. Cũ marĩ masã ma'mi nimi. Cũ wẽrĩca be'ro marĩ nipe'tirã duporo masãcu niwĩ. Tojo weegu nipe'tirã bu'ipu nimi. ¹⁹ Õ'acũ a'tiro nicu niwĩ: “Yu'u macũ yu'u weronojõta niato”, nicu niwĩ. Tojo weero nipe'tise Õ'acũ nisetise Jesucristopureta ni'i. ²⁰ Õ'acũ cũ macũrẽ wẽrĩcã

uacu niwĩ. Nipe'tise, nipe'tirã, u'muse, a'ti nucũcã yu'u me'rã apoato nígũ tojo weecu niwĩ. Cũ macũ curusapu wẽrise me'rã apocu niwĩ.

²¹ Musã quẽ'rã ne waro Õ'acũrẽ masĩticãrã niwũ. Musã ña'arõ weeseti'que bu'iri Õ'acũrẽ ĩ'atu'ti, ña'arõ wãcũcãrã niwũ. ²² Musã tojo nise-timicã, Õ'acũ ni'cãrõacãrẽ musã me'rã apocu niwĩ. Jesucristo marĩ weronojõ upatigu ti upu me'rãta cũ pi'eti, wẽricu niwĩ. Cũ wẽrise me'rã Õ'acũ yarã bu'iri marĩrã tojacã weecu niwĩ. Cũ pacupare musãrẽ wiaguti nígũ, tojo weecu niwĩ. ²³ Musã cũ ye quetire ějõpeonu'cũcã, cũ uaro weenu'cũcã, tojo weegusami. Āpẽrã musãrẽ mejẽcã werẽcã, cũ ye quetire ne cõ'aticã'ña. A'tere nipe'tirocãrãpu tu'orã weema. Yu'u quẽ'rã a'te quetire weretamusijaguta ni'i.

Õ'acũ Pablöre Jesucristore ějõpeorãrẽ weeta-muduti'que ni'i

²⁴ Õ'acũ yu'ure wereduti'quere weregu, apetero pũrõ pi'eti'i. Tojo pi'etimigũ, e'cati'i. Jesucristo cãrẽ ějõpeorã ye niatjere pi'etitojacu niwĩ. Tojo weegu yu'u quẽ'rã cãrẽ ějõpeorãrẽ weetamusĩ'rĩgũ pi'eti'i. ²⁵ Õ'acũ yu'ure narẽ weetamudutiwĩ. Tojo weegu yu'u musã Jesucristore ějõpeorãrẽ a'tiro wee'e. Cũ ye quetire añurõ tu'omasĩpe'oato nígũ musãrẽ weetamu'u. ²⁶⁻²⁷ Musã Colosacãrã, judío masã nitirã quẽ'rãrẽ añubutiase queti ni'i. Jesucristo musãpũreta nimi. Cũ musã me'rã niyucã, añuse musã u'musepu niatjere masĩ, e'catiuyotojasa'a. Õ'acũ maata judío masã nitirãrẽ Jesucristo

yu'ruogusami nisere wereticu niwĩ. Tojo weerã ne warocjãrãpua a'tere masĩticãrã niwã. A'tocaterore Õ'acũ Jesucristore ëjõpeorãrẽ masĩcã weemi.

²⁸ Ësã Jesucristo ye quetire were'e. Nipe'tirã masãnucũrẽ cũ nisetisere masĩdutarã were'e. Cũ uaro weedutarã, cũ me'rã ninu'cũdutarã were'e. ²⁹ A'tere weesĩ'rigũ, Jesucristo cũ tutuase o'ose me'rã yu'u masãrẽ uputu bu'e, narẽ Õ'acũrẽ sërĩbosa'a.

2

¹ Yu'u ní'caronojõta musã ye niatjere uputu wãcũ, Õ'acũrẽ sërĩbosa'a. Tojo weegu musãrẽ a'tere masĩato ní'gũ oja'o'ogu wee'e. Nipe'tirã Laodiceacjãrãrẽ, tojo nicã yu'ure ï'atirãrẽ mejãrõta sërĩbosa'a. ² A'tiro sërĩ'i: "Õ'acũ, narẽ wãcũtutuase o'oya. Añurõ su'ori nisetiatio. A'merĩ ma'iatio. Na añurõ mu'u ye cjasere tu'omasĩpe'oato. Na tojo wéerã, mu'u macũrẽ añurõ masĩrãsama", ni sërĩbosa'a. Ne waropure Õ'acũ nipe'tise cũ macũ Jesucristo ye cjasere wereticu niwĩ. A'tocaterore majã cũ yere weremi. ³ A'tiro ni'i. Jesucristopureta nipe'tise masĩse, tu'omasĩse ni'i. Tojo weegu cũ dia'cũ añurõ masĩgũ nimi. Cũrẽ ëjõpeorã nipe'tise masĩsere bocano'o. ⁴ Æpẽã musãrẽ diacjũ weronojõ ucũmaasobosama. Añurõ tu'omasĩña ní'gũ, tere were'e. ⁵ Yu'u aperopu nimigũ, musã wa'teropu ní'gũ weronojõ tu'oña'a. Musãrẽ pũrõ wãcũ'u. Yu'u musã añurõ nisetica tu'ogu, musã Jesucristore ëjõpeocã tu'ogu, uputu e'cati'i.

6 Ne waropure marĩ wiogu Jesucristore ĕjõpeocãrã niwũ. Titapure musã ĕjõpeo'caronojõta a'tiro nicã quẽ'rãrẽ nipe'tise numurĩ cõrẽ ĕjõpeonu'cũcã'ña. 7 Cõrẽ nemorõ masĩnemoña. Musãrẽ bu'e'caronojõta cõrẽ ĕjõpeonemoña. Æmucorinacũ Õ'acũrẽ “Añu'u”, ni e'catise o'oya.

Jesucristore ĕjõpeotirã ĕjõpeo'que ni'i

8 Æpẽrã musãrẽ werecã, añurõ tã'omasĩña. Na musãrẽ nisoose me'rã werebosama. Diacjũ weronojõ ucũsama. Niwe'e. Te ucũse me'rã masãrẽ were, maasoorã weema. Jesucristo ye mejẽta ni'i. Na basu na wãcũsere, ðuporocjãrãpũ nisetimujãti'quere wererã weema. Tojo weerã narẽ ĕjõpeoticã'ña.

9 A'tiro pe'e ni'i. Jesucristopure nipe'tise Õ'acũ nisetise ni'i. 10 Musã quẽ'rã cõpũreta ni'i. Tojo weerã musã Õ'acũrẽ cõoyũ'ruatoja'a. Jesucristo nipe'tirã wiogu nimi. Æ'musecjãrã, a'ti turicjãrã, bajurã, bajutirã nipe'tirã wiorã cũ doca nima.

11 Musã masĩsa'a, Õ'acũ yarã sãjãsi'rĩrã, judío masã weronojõ õ'rẽcju yapa caserore yejecõ'aticãrã niwũ. A'tiro pe'e wa'acaro niwũ. Jesucristo basu musã ña'arõ weesetisere cõ'acũ niwĩ. Tojo weerã õ'rẽcju yapa caserore yejecõ'a'cãrã weronojõ Õ'acũ yarã tojacãrã niwũ. 12 Jesucristo wẽrĩ yaano'cũ niwĩ. Musã quẽ'rã wãmeyeno'rã, ña'arõ weeseti'quere ðu'urã, wẽrĩ yaano'cãrã weronojõ tojacãrã niwũ. Wẽrĩ'cãrã, catirã na wee'quere weetimimaba. Tojo weerã musã quẽ'rã toðuporopũ wee'quere

weetisa'a. Jesucristo wērīca be'ro Ō'acū cūrē masōcū niwī. Cūrē masō'caronojōta mūsā quē'rārē masōgū, apesu'tiro sājācā weecu niwī. Ō'acū cū tutuaro me'rā cū macū Jesucristore masō'quere mūsā ējōpeoyucā, tojo weecu niwī. ¹³ Mūsā judío masā nitirā ō'rēcju yapa caserore yejecō'aticārā niwū. Tojo nicā ña'arō weecūcārā niwū. Ña'arō nisetitjārā, toduporopure wērī'cārā weronojō nicārā niwū. A'tocaterore majā Ō'acū yarā ni'i. Cū mūsārē catinu'cūcā weecu niwī. Mūsārē ña'arō wee'quere acobojocū niwī. ¹⁴ Ō'acū cū duti'quere y'rūnū'cācā, marīrē bu'iri da'rebopī. Te marī peje ña'ase cūomi'quere cū macū curusapū wērīse me'rā acobojocū niwī. ¹⁵ Jesucristo cū wērīse me'rā nipe'tirā ī'orōpū wātīarē docaque'acā weecu niwī.

“A'ti nucūcā cjasere pūrō wācūtīcā'ña” nī'que nī'i

¹⁶ Mūsā masīsa'a, judío masā ni'cārē ap-eye ba'asere ba'adutitisama. Tojo weerā āpērā mūsā sī'rīsere, ba'asetisere judío masārē dutītisenojōrē na ucjacā, tū'otīcā'ña. Na peje bosenūmūrī cūosama. Ni'cā cū'marē, ma'ma mujīpūrē, tojo nicā semanarīnūcū na soowūase nūmūrīrē cūosama. Na weronojōta ticuse bosenūmūrī weedutisama. “Mūsā tojo weetirā, Ō'acū duti'quere weewe'e”, nisama. Na tojo nicā, tū'otīcā'ña. ¹⁷ Ō'acū tere ne waropure Jesucristore queose o'oyugu weecu niwī. Yū'u macū ye cjasere masīato nīgū tojo weecu niwī. Ni'cārōacārē Jesucristo a'titojacū niwī. Tojo

weegu masārē a'tere toduporopu duti'quere
 Ō'acū sō'owaro weedutitimi majā.

18 Āpērā musārē a'tiro nisoobosama: “Ēsā
 añurā ni'i. Ō'acū ūsārē añurō wācūato nírā be'ti
 ñubue'e. Ō'acūrē wereco'terārē ñubuepeo'o.
 Ēsā cārītimirā quē'ese weronojō Ō'acū yere
 ĭ'a'a. Tojo wéerā, ūsā āpērā yu'rũoro Ō'acū
 ye cjasere añurō masī'i. Musā quē'rā tojota
 weeya. Musā a'tere weetirā, bu'iri c̄orāsa'a”,
 nibosama. Musārē tojo nicā, ne ējōpeoticā'ña.
 “Masīrā waro ni'i ūsā”, ni wācūsama. Tojo
 nima'acārā weema. A'te masā wācūse dia'cū
 ni'i. 19 Na Jesucristore sirututima. Marī pūrīcā
 Jesucristo ya curuacjārā ni'i. Cūta nimi marī
 dupoá. Marīrē cū masīsere, tutuasere o'osami.
 Te me'rā marī ɯmɯcorinɯcū Ō'acū ɯronojō
 nemorō a'merī ma'i, weetamumasī'i.

20 Musārē toduporopure musā ñecūsamua
 nisetimujāti'quere peje dutise nicaro niwū.
 A'tocaterore toduporopu weeseti'quere
 Jesucristo cū wērīse me'rā yu'rũweticā weecu
 niwī. Yu'rũwetica be'ro nimicā, Ɂde'ro weerā
 musā toduporopu weeseti'caronojōta niti
 tja? 21 Musārē āpērā “A'tennojōrē ñe'eticā'ña,
 tennojōrē ba'aticā'ña”, nibosama. 22 Na tojo nírā,
 a'ti turi cjase maata pe'tisere ucūrā weema.
 Masā na wācūrō me'rā weedutise ni'i. 23 Na
 dutise añubutiase weronojō busu'u. Bu'icjase
 dia'cū a'tiro nita'sasama: “Musā quē'rā ūsā
 weronojōta añurō ējōpeoroua'a. Ō'acū marīrē
 añurō wācūato nírā be'tiroua'a. Marī upu
 quē'rā ña'a nisa'a. Tojo weerā marī basu marī

upure pi'etise o'oroua'a. Marĩ pi'etise o'óca be'ro marĩ ña'arõ ɰaripejasere cõ'ata basio'o", nimisama. Niwe'e. Na dutisere wéerã, marĩ mejârõta tojacã'sa'a tja.

3

¹⁻³ Yɰ'ɰ mʊsãrẽ todɰporopɰ ní'caronojõta Jesucristo wẽrĩcɰ niwĩ. Mʊsã cũ wẽrĩse me'rã todɰporopɰ weeseti'quere du'ucãrã niwũ. Cũrẽ cũ tutuase me'rã cũ pacɰ masõcɰ niwĩ. Mʊsã quẽ'rãrẽ cũ macũrẽ ẽjõpeoyucã, cũ tutuase me'rã mʊsãrẽ catinu'cũcã weecɰ niwĩ. Tojo weerã a'ti turi cjasere wãcũticã'ña. Ɖ'mʊse cjase pe'ere wãcũña.

Mʊsã Õ'acũpũre Jesucristo me'rã ni'i. Jesucristo ɰ'mʊsepɰ Õ'acũ me'rã wiogɰ dujiri cũmurõpɰ nimi. Tojo weerã mʊsã Jesucristo nirõ ɰ'mʊsepɰ cjasere añurõ wãcũnũrãña. ⁴ Cũta marĩrẽ sũ'ori nimi. Sũ'ori catimi. Marĩ cũ me'rã ni'i. Tojo weerã cũ a'ti nucũcãpũre apaturi a'ticã, marĩ quẽ'rã cũ tutuase, cũ asistese me'rã a'tirãsa'a.

Dɰporopɰ weeseti'quere Pablo du'uduti'que ni'i

⁵ Mʊsã a'ti turi cjase ña'ase weesĩ'rĩsere du'ucã'ña. Mʊsã, mʊsã nɰmosãnumia nitirãrẽ a'metãrãticã'ña. Mʊsã numia quẽ'rã, mʊsã marãpɰsɰmɰa nitirãrẽ a'metãrãticã'ña. Ne ãpẽrã me'rã “Ña'arõ weesĩ'rĩsa'a”, niticã'ña. Ne ãpẽrãrẽ mʊsã wãcũsepɰ “Narẽ wɰacãjĩ, na me'rã nisĩ'rĩsa'a”, ni wãcũticã'ña. ãpẽrã na cɰosere ɰoticã'ña. Mʊsã apeyenojõrẽ ɰorã, Õ'acũ mejõtare ẽjõpeorã weebosa'a. ⁶ Cũrẽ

yu'rũnu'cãcã, a'tenojõ weerãrẽ Õ'acũ Ɂputu bu'iri da'regusami. ⁷ Musã toduporopure tere weesetirã, ña'arã nicãrã niwũ. ⁸ A'tocaterore majã nipe'tisere musã ña'arõ weesere, uase, ï'atu'tise, ãpẽrãrẽ nitu'ti yabisere du'uya. Ña'asere ne wãcũ bujicã'ticã'ña. ⁹ Æpẽrãrẽ nisooticã'ña. Musã toduporopu weeseti'quere du'utojacãrã niwũ. Tojo weerã tere weeticã'ña majã. ¹⁰ A'tocaterore musã apeye wãcũse Ɂuo'o. Õ'acũ musãrẽ wee'cu cũ weronojõ nisetiatio nígũ musãrẽ dũcayunu'cũgũ weemi. Nemorõ cãrẽ masãto nígũ tojo weemi. ¹¹ Marĩ nipe'tirãrẽ Jesucristo ï'orõpũre ne dũcawatise marĩ'i. Judío masã, judío masã nitirã, ãpẽrã õ'rẽcju yapa casero yejecõ'ano'cãrã, yejecõ'ano'ña marĩrãrẽ dũcawatise marĩ'i. Tojo nicã apesecjãrãpũ, sumutoricjãrã, da'raco'teri masã, da'raco'tetiri masã, ã'rã nipe'tirã me'rã dũcawatise marĩ'i. Cũ nipe'tirã cãrẽ ëjõpeorã wiogu nimi. Nipe'tirãpũre nimi.

¹² Õ'acũ musãrẽ ma'imi. Cũ musãrẽ cũ yarã niatio nígũ besecu niwĩ. Tojo weerã ãpẽrãrẽ pajaña'ña. Narẽ añurõ e'catise me'rã weetamuña. Musã “Æpẽrã yu'rũoro ni'ï”, ni wãcũticã'ña. Musãrẽ mejẽcã nicã, tojo tu'oña'ña. Wãcũtutuaya. ¹³ Musã basu ãpẽrã me'rã a'metu'ti'cãrã, ãpẽrã mejẽcã weecã tu'sati'quere narẽ acobojoya. Jesucristo musãrẽ acobojocu niwĩ. Tojo weerã musã quẽ'rã ãpẽrãrẽ mejãrõta acobojoya. ¹⁴ A'merĩ ma'ïña. Musã tojo ma'irã, nipe'tise yu'Ɂ duti'quere weepe'ocã'rãsa'a. Añurõ musã basu sũ'ori nise-

tirāsa'a. ¹⁵ Ō'acũ cũ ɥaro weecã, musã ye ejeripõ'rãrĩpũre e'caticã weesami. Cũ ɥaro weetirã, bujawetisa'a. Tojo weerã cũ ɥaro weeya. Añurõ sũ'ori nisetiya. A'tere ɥasãgũ, cũ musãrẽ ni'cã curua, ni'cũ põ'rã weecu niwĩ. Musã cũrẽ e'catise o'onu'cũcã'ña.

¹⁶ Jesucristo ye quetire añurõ wãcũnũrũña. Cũ masise o'ose me'rã ãpẽrãrẽ musã basu a'merĩ bu'eya. Musã ejeripõ'rãrĩpũ Ō'acũrẽ e'catise o'orã, basapeoya. ¹⁷ Musã Jesucristo yarã ni'i. Tojo weerã nipe'tise musã weesetise, ucũsetisere cũ yarã weronojõta weeya. Jesucristo cũ tutuase me'rã tere weeta basio'o. Cũ pacũre e'catise o'onu'cũcã'ña.

Jesucristore ãjõpeorãrẽ weeduti'que ni'i

¹⁸ Marãpũtirãnumia, Jesucristo marĩ wioɥure ãjõpeorã, a'tiro weeya. Musã marãpũsumũarẽ na dutisere yũ'ti ãjõpeoya. ¹⁹ Musã numotirãumua pe'e, musã numosãnumiarẽ ma'ña. Na me'rã uaticã'ña. ²⁰ Wĩ'marã, ma'mapjia, nipe'tise musã pacũsumua dutisere añurõ yũ'tiya. Ō'acũ tojo weecã ɥasami. ²¹ Musã põ'rãrẽ na'irõ tu'ti, uacã weeticã'ña. Musã tojo weecã, na bujaweti, musã dutisere weemasĩtisama.

²² Da'raco'teri masã, nipe'tise musã wiorã a'ti nucũcãcjãrã na dutisere yũ'tiya. Na ĩ'orõpũre, na ĩ'atiropũre añurõ da'raya. Musã wiorã ĩ'orõpũ dia'cũ añurõ da'rãrã, musã wioɥũ “Añurõ da'rama” ni wãcũato, nirã weebosa'a. Musã tojo weeticã'ña. Ō'acũrẽ añurõ ãjõpeotjãrã, weesooro marĩrõ da'raya. ²³ Musã

apeyenojō da'rarā, añurō tu'sase me'rā da'raya. Teese me'rā weeticā'ña. Masārē da'rabosamirā, Jesucristore da'rabosarā weronojō tu'oña'ña.

²⁴ Musā cūrē da'raco'terā ni'i. Cūta musārē u'musepu wapayegusami. Musā tere masītoja'a. Tojo weerā añurō da'raya. ²⁵ Ña'arō wee'que wapare Ō'acū bu'iri da'regusami. Masā nipe'tirārē ni'cārōnojō bu'iri da'resami. Ne ni'cū yu'rūwetitisami.

4

¹ Dutiri masā, musā quē'rā u'musepure ni'cū wioḡu cuo'o. Musā tere masītoja'a. Tojo weerā Ō'acū uaronojōta musārē da'raco'terārē añurō cuoya.

² Ō'acūrē añurō tu'ocasanu'cōtjārā, sērīnu'cūcā'ña. Cūrē “Añu'u”, ni e'catise o'oya. ³ Musā Ō'acūrē sērīrā, ūsā quē'rārē sērībosaya. “Pājārā Jesucristo ye quetire masītirārē tu'osī'rīcā weeato”, ni sērībosaya. Cū ye queti daporocjārāpu na masīno'ña marī'que añuse queti ni'i. A'te werese ye bu'irita yu'u bu'iri da'reri wi'ipu dujisa'a. ⁴ Yu'ure Ō'acūrē sērībosaya. Yu'ure “Wisiro marīrō diacjū wereato”, ni sērībosaya.

⁵ Āpērā Jesucristore ējōpeotirā me'rā añurō nisetiya. Na me'rā musā weesetisetirinacū Ō'acū uaronojōta narē añurō weeya. ⁶ Na me'rā ucūrā, añurō tu'saroputa tu'otu'sase me'rā ucūña. Āpērā musārē sērītiña'cā, añurō diacjū yu'tiya.

Pablo me'rācjārā añudutise o'o'que ni'i

7 Tíquico yu'u me'rãcjũ yu'u ma'igũ a'tiro weegusami. Yé quetire musãrẽ weregu wa'agusami. Cũ yu'u me'rã marĩ wiogu Jesucristo yere da'raco'tetamugũ nimi. Tojo nicã yu'ure bu'etamugũ nimi. 8 Yu'u cãrẽ musã tiropu wa'adutiguti wee'e. Æsã ye quetire tu'orã, musã wãcütutua, e'catinemorãsa'a. 9 Onésimo musã ya macã nícũ'cu quẽ'rã cũ me'rã wa'agusami. Cũ yu'u ma'igũ, yu'u me'rãcjũ a'tocaterore Æsãrẽ añurõ weetamugũ weemi. Na puarã musãrẽ wererãsama nipe'tise a'to Romapu de'ro wa'a'quere.

10 Aristarco musãrẽ añudutimi. Cũ quẽ'rã yu'u me'rã bu'iri da'reri wi'ipu nimi. Marco, Bernabé basucu quẽ'rã musãrẽ añudutimi. Marco musã tiropu sijacã, yu'u musãrẽ toduporo ní'caronojõta añurõ ñe'eapa. 11 Apĩ Jesú na “Justo” pisuno'gũ musãrẽ añudutimi. Ærã i'tiarã Æpẽrã judío masã Jesucristore Æjõpeorã wa'terore na dia'cũ yu'ure da'ratamuma. Na Õ'acũ wiogu nisere masãrẽ bu'erã weema. Na weetamuse me'rã yu'u wãcütutua, e'catise cu'o. 12 Epafras musã me'rãcjũ añudutimi. Cũ Jesucristo ye cjasere da'raco'tegu nimi. Cũ musãrẽ uputu sãrĩbosagu weemi. Õ'acũrẽ añurõ sirutuato, cũ uaro añurõ weenu'cũato nígũ, tojo sãrĩbosami. 13 Yu'u diacjũta were'e. Cũ musãrẽ uputu sãrĩbosacã ï'a'a. Æpẽrã quẽ'rãrẽ Laodiceacjãrãrẽ, tojo nicã Hierápolijãrãrẽ sãrĩbosami. 14 Luca ocoyeri masũ Æsã uputu ma'igũ musãrẽ añudutimi. Apĩ quẽ'rã Demas wãmetigu añudutise o'omi.

Pablo añudutituo'que ni'i

¹⁵ Laodiceacjãrã Jesucristore ãjõpeorã añuato. Nĩna wãmetigo quẽ'rã añuato. Tojo nicã nipe'tirã co ya wi'ipũ Õ'acũrẽ ãjõpeorã nerẽwuarã añuato. ¹⁶ Mũsã a'ti pũrĩrẽ bu'epe'oca be'ro Laodiceacjãrãpũre o'óya. Na quẽ'rã na nerẽwuaropũ bu'eĩ'oato. Mũsã quẽ'rã ape pũrĩ Laodiceacjãrãrẽ yũ'ũ ojãca pũrĩrẽ ñe'erã, mũsã nerẽrõpũ bu'eya. ¹⁷ A'tiro niña Arquipore: “Marĩ wiogũ da'radutigũ cũu'quere añurõ da'ratu'ajaya.”

¹⁸ A'te nituose darire mũsãrẽ añudutise o'ogũ, yũ'ũ basuta oja'a. Wãcũña yũ'ũ bu'iri da'reri wi'ipũ nisere. Õ'acũrẽ sãrĩbosaya. Õ'acũ mũsãrẽ añurõ weeato.

Tocã'rõta oja'a.

Pablo

Õ'âkã hi yeere uúkũri turi Tukano New Testament in Tucano (BR:tuo:Tucano)

copyright © 2009 Wycliffe Bible Translators, Inc.

Language: Tucano

Translation by: Wycliffe Bible Translators, Inc.

Tucano [tuo], Brazil

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tucano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2020-12-01

PDF generated using Haiola and XeLaTeX on 30 Sep 2022 from source
files dated 9 Oct 2020

00ebd04f-7b0d-5a72-9407-eb53ae2bd086